

39

D. D.  
DISSERTATIONEM ACADEMICAM,  
**INCREMENTA  
SCIENTIÆ NA-  
TURALIS**  
AB INEUNTE HOC SECULO  
EXHIBENTEM,  
SUFFRAGANIE AMPLISS. FACULT. PHILOS.  
IN REGIA ACADEMIA ABOENSIS,  
PRÆSIDE,  
**CAROLO FRIDER.  
MENNANDER,**  
SCIENT. NAT. PROF. REG. & ORD.  
REG. ACAD. SCIENT. MEMBR.  
PUBLICO EXAMINI SUBMITIT  
MATTHIAS RUNGÉN,  
OSTROBOTNIENSIS.  
IN AUD. SUP. D. xxx. MAJ H A M. S. MDCCCL.

---

ABOÆ,  
EXCUD. JOH. KÆMPE, REG. ACAD. TYP.

DIVISERTATIOMVM ACADEMICVM

INGRATITIAE

SOCIETATIS

Franc. Baco De Verulam.

*Postquam via partem aliquam fuerimus emen-  
si, non tantum hoc lucrati sumus, ut ad  
exitum itineris propius accesserimus; verum et-  
iam ut, quod restat via, clariss prospiciamus:  
Eodem modo, in scientiis, gradus itineris quis-  
que, ea, quae a tergo reliquit, prætervectus, et-  
iam illa, quæ supersunt, propius dat in conse-  
gnum.*

§. I.

**H**omini vehementissimum a natura connatum  
esse felicitatem suam promovendi deside-  
rium, eo minus qvisq;am inficiabitur, qvo  
rectius τοις πεπτωτις Φύσεως illud ipsum annu-  
meratur. Immo, qvicunq;e semetiplum vel medio-  
criter considerat, hunc impetum, qvo ad summam,  
qvam conseqvi unqvam potest, sui perfectionem  
tendit, haud ægre animadvertis. Talem vero per-  
fectionem sine solida variarum rerum cognitione  
acq;iri non posse, qvin potius fontem perfectionis  
& veræ felicitatis in luce intellectus situm esse,  
qvilibet emunctioris naris ultro fatebitur. Hæc est  
causa, cur omni tempore, tanta cum voluptate,  
studium operamq;e in scientiis excolendis multi  
collocarint. Ut enim hæ gloriam Summi Numinis,  
tanq;am ultimam felicitatis & perfectionis nostræ  
metam, pro fine suo habent; sic non possunt non  
omnes, qvotq;ot earum delicias delibarunt, ad a-  
morem sui allicere. Et licet in splendidissimo ve-  
ritatum choro nulla sit, qvæ multiplici ratione se

A

nobis

nobis non commendet, nostroqve amore sit indigna, nihilominus tamen mundi materialis phænomena, in sensu nostro incurrentia, attentius considerata, ut illustria gloriæ divinæ specula, maxime desiderium nostrum ad naturæ latebras pervestigandas excitant, & in admirationem auctoris spectatores suos rapiunt. Hæc genuinam mediorum, qvibus ad felicitatem temporalem perveniamus, cognitionem, & gloriam divinam per opera creata exsplendescen-tem, satis innotescere faciunt. Qvod vero non omnes hunc finem assequuntur, id partiū objectis, in qvæ desiderium eorum sciendi fertur, partim etiam somnolentæ ac perversæ naturæ contemplationi, adscribendum putamus. Unde nec mirandum, varios variis temporibus nubem pro Junone amplexos tuisse; qvod ille, qvi fata scientiarum diligentius pervolvit, haud obscure inveniet. At æ. qvi rerum æstimatores, ut in aliis, sic etiam in hoc studiorum genere, æstatem & vires consumere, utile non minus, qvam jucundum ducunt. Hi flagrantissimo excolendarum Scientiæ naturalis partiū amore percussuntur. Hi fatis animadverunt, in sacratissima physices adyta, nullos per fictiones cauiliarum ingeniosas, nec per qualitates occultas, abstractas illas scholasticorum tricas, qvibus effetus naturæ, ignoratis cauissis, designabant, patere aditus. Omnem nostram cognitionem in hac Scientia experientiæ sua initia debere, & qvo diligenter hanc consulimus, eo felicius quoqve scientiam nostram

nostram ad culinen suum magis magisqve evehi,  
clare perspiciunt. Tentamina, qvibus naturam ri-  
mari queant, instituunt. Hæc omni, qvæ in subsi-  
dium vocari potest, prudentia, ad omnes circum-  
stantias, immutant, variisqve possibilibus modis  
peragunt; ut certius constet, an easdem semper  
prodant naturæ vires. Et qvamvis hoc modo o-  
mnem adhibuerint industriam, se tamen exoptato  
laborum fine in multis rebus excidere deprehen-  
dunt. Absit vero, ut operæ eventus inanes eos ab  
inceptis deterreant, qvin potius ad ulteriora tentan-  
da inde exstimulabuntur. Naturæ arcana non pro-  
miscue nec omnibus patere, reducta & in interio-  
ri sacrario clausa esse, hinc iteratis vicibus, viis &  
blandimentis variis, adgredienda, haud ignorant.  
Recentissimi ævi physici, hanc ingressi viam, ob-  
servationes collegerunt atqve experimenta institue-  
runt, ex qvibus, vel ad constantes naturæ leges,  
vel ad caussas singularium effectuum, concludere  
possunt. Hisce legibus stabilitis, rerumqve natura-  
lium proprietatibus indagatis, scientiam suam feli-  
citer excoluerunt: & licet caussas in multis explo-  
rare non valeant, ipsam tamen naturam, experi-  
undo & observationibus sedulis, cogunt qvæsi, la-  
tentest suas vires pedetentim manifestare. A parvis  
initiis ad certitudinem in multis hæc methodo e-  
vectam esse physicam, res ipsa testatur. Multa,  
qvæ majores nostri, ne qvidem per imagines sibi  
effingere potuerunt, hodierna invenit sagacitas. Mul-

to tamen plura seculis futuris, cum memoria nostri exoleverit, reservantur, ex quibus aliud una ætas, quæ post nos subibit, aliud alia, adspiciet.

## §. II.

**M**undum hunc materialem primos etiam homines in admirationem & contemplationem sui rapuisse, maxime est probabile. Quid? quod habeat hæc disciplina, quæ de corporibus eorumque phænomenis agit, multa, ob quæ maximæ utilitatis jucunditatisque jure censeri debeat, quæque omnia non potuerunt non primos mortalium ad intimorem eorum considerationem invitare. Sprexis enim phænomenorum cauillarumque considerationibus, nec gloriam divinam satis rimari, nec sui ipsius perfectionem promovere potuissent, quorum tamen gratia in hanc scenam missi erant; Immo indispensabilis usus vitæque humanæ felicitas ad penitorem naturæ indagationem eos adegit videatur. Et quid obstat, quo minus magnos in naturæ perscrutatione facere potuerint progressus, cum nec multitudo librorum, nec opinionum varietas & plurium lingvarum discendi necessitas, quidam eis adtulerint impedimenti? Iolas libri naturæ paginas evoluebant, & diurna vita trubabantur. Quot vero quantumque Scientia naturalis ceperit incrementa primo mundi ævo, id tanto magis ignoramus, cum nec satis constet, quid propioribus temporibus debeat hæc ipsa Scientia. De Physica ADAMI variæ variorum sunt opiniones; nullum tamen

tamen est dubium, qvin in statu integratatis suffi-  
cienti naturæ cognitione fuerit instruetus. Theo-  
logiam illius, qvæ fuit naturalis & qvo ad partem  
per experientiam acquisita, hoc ipsum probare quis  
non videt? & ~~expugnatio~~ animalium magnam in  
Zoologicis experientiam arguere multi volunt.  
Hacce vero cognitione *ADAMUM* post lapsum or-  
batum fuisse docet sacra pagina, & sic miserum  
in modum novatam esse hujus scientiæ faciem,  
haudqvaquam mirum est. Crescente tamen multitu-  
dine hominum, cum major cœperit esse naturalium  
scientiarum necessitas, mortales in id maximo ni-  
su incubuerunt, ut novam illustri huic studio tœ-  
nerarentur lucem. Chaldæos Ægyptiosque hisce  
scientiis operam navasse dubitare non possumus;  
qvid vero his debeat, nobis in hac sera posterita-  
te exploratum adeo non est. Contendunt tamen  
scriptores rei litterariæ, illos physicæ cœlestis fuis-  
se amantissimos. Hæc corporum cœlestium con-  
templatio, ad perqvirendas rerum omnium origi-  
nes eos invitasse videtur. Unde etiam hanc do-  
ctrinam ab antiquissimis præcipue excultam esse  
patet. Hanc postea ad Græcos qvo ad magnam  
partem derivatam esse, lectamqve Jonicam præ ce-  
teris in rerum originibus indagandis emicuisse,  
demonstrat itidem Historia Litteraria. Qyam vero  
varias monstrosasqve de rerum ortu soverint sen-  
tentias, nobis brevitati studentibus, enumerare &  
recensere non licet. Sufficiat dixisse, nullis acces-  
sionibus

fionibus Physicam ab his eorum principiis & laboribus auctam esse. Nec mirum, cum nec experientiam consulere, nec illius cum ratione con-nubium observare, voluerint. Hinc factum est, qvod vel in nugis & figmentis, vel in solis vocabulis, rebus ipsis, qvibus inserviebant explicandis, obtcurioribus, horum temporum philosophia naturalis fuerit occupata. Nonnulli tamen inter Græcos inveniuntur, qvorum in scientiam naturalem luculentiora sunt merita, ut *DEMOCRITI*, qui Anatomiae maxime fuit deditus, & *ARISTOTELIS PLATONIS* discipuli. Hic Historiam Naturalem aggressus est, & Physicam in formam systematicam redigere conabatur; sed hæc molimina non erant unius hominis nec unius ætatis opera. Id qvoqve *ARISTOTELI* vitio vertendum est, qvod abstractis Metaphysicis terminis nimis indulserit, qvibus octo libri physicorum abundant. Post tempora huius Philosophi excipit periodus longa tristisqve, qva omnes scientiæ tenebris obductæ fuerunt. Dum Philosophia Naturalis per multa secula etiam destruta jacuit, illam e ruderibus suis excitare co-nati sunt Arabes qvidam, & Scholastici sic dicti philosophi. At neglectus Historiæ Naturalis, qvæ solida fundamenta præstruere debet Scientiæ, & contemptus disciplinarum Mathematicarum, eorum industriam curlumqve Physices sufflaminarunt. Nec dictatoria *ARISTOTELIS* potestas minimum erat impedimentum, dicebant enim, se malle cum *ARISTOTE-*

**L**E errare, qvam cum aliis sapere. Hinc illius effata sola erant, qvamvis s̄epe non intellecta, qvæ, tanq; ex tripode dicta, multa defenderunt secula.

## §. III.

**H**Æc fuere fata Scientiæ Naturalis ad initium fere seculi superioris vel decimi septimi, qvod adeo excellit, ut omnibus antecedentibus palmam præripiat. Hærebat antea totus orbis litteratus immersus nugis & qvisq; vilis peripateticis & Iohannisticis, qvi ratiocinati sunt de rebus nunq; intellectis. Jam vero *BACO VERULAMIUS*, magnum illud Angliæ nomen, jugum excussum scholasticum, naturamq; ipsam explorandam esse demonstravit. In hujus perscrutatione, omne leponi debere auctoritatis cujuscunq; præjudicium contendit. Nunc igitur Philosophia Naturalis caput effert, postqvam per ignorantiae oceanum, hujus scientiæ cymba gubernatur ad experientiæ cynoluram. Nunc demum ex ipsis experimentis circa naturam corporum institutis, veri nominis Scientia formari coepit, & via, qva cum fructu pergi potest, monstrari. Percommodum etiam Scientiæ Naturali contingit, qvod omnes scientiæ mathematicæ superiori seculo summo cum studio exultæ sint, qvarum arctissimus cum physica est nexus. Inprimis incrementa Matheleos mixtæ insignes usus huic scientiæ nostræ adulterunt. Novam igitur ab his temporibus induit Scientia Naturalis faciem, postqvam per Matheleos cum Scientia hacce faustissimum con-nubium,

nubium, a summis ingenii stabilitum, ad abditissima naturae arcana penetranda, aditus est patescens. Jam in lucem prodiere magni nominis viri, Mathematici optimi, & hujus scientiae restauratores jure meritoque nominandi, *GALILEUS* a Galilæis, *TORICELLIUS*, *BOILEUS*, *NEWTONUS*, *WALLSIUS*, *MERSENNUS*, *PASCHALIUS*, *MARIOTTUS*, *AMONTONIUS*, *HUGENIUS*, *CARTESIUS*, *GUERICCIUS*, *STURMIUS*, aliique; qui corpora sexcentis subjiciendo periculis, multas eorum proprietates, ad id usque temporis incognitas, eruerunt, publica in luce posuerunt, atque suis laboribus optime de universo orbe meriti sunt. Incepérunt eodem tempore in Britannia instituere Societatem litterariam, rebus naturalibus indagandis tantummodo dicatam. In Germania, Gallia, Italia, idem opus inchoatum & institutum est, in quibus ex tota Europa omnium Scientiarum viri eruditi pulchras proles, felicissimi rationis atque experientiae connubii ediderunt. Hinc magnum lumen ortum est in rerum naturalium Scientia, cum multa mundi litterati sidera hanc ipsam disciplinam luce sua illustraverint. Testimonia hujus rei sunt Transactiones & acta Academiarum vel Societatum, quotannis aut saepius prodeuntia, in quibus tanta occurrit multitudo & abundantia experimentorum ac observationum, quamcumque Scientiae Naturalis partem spectantium, ut facile appareat, suis non defuisse partibus physicos. Hoc seculo inventa sunt instrumenta,

maidua

qva,

qvæ, licet calu plerumqve fuere reperta, philologiæ tamen naturalis studio mirifica sunt subsidia. Telescopiorum enim ope Physica cœlestis, & microscopiorum beneficio Historia Naturalis immenta cepit incrementa. Barometra, Thermometra & Antliæ pneumaticæ, doctrinam de aëre ejusqve affectionibus perfecerunt. Nec parum ad amplificandam rerum naturalium scientiam magis exultum Chemiæ studium contribuit, qvod ad investigandam corporum naturalium structuram, ipsaqve intima naturæ viscera qvasi excutienda, adhiberi cœpit. Nec hoc tantummodo contenti fuere naturæ mystæ, ut igne illius adyta perscrutati sint; sed, consilium *VERULAMII* sequti, ferro etiam naturalia aggredi tentarunt. Qvanto vero successu hoc ipsum factum fuerit, res ipsa testatur, & doctrina, qvæ corporum naturalium structuram inquirere solet. Certum est, vel hoc solo nomine, cognitionem recentiorum multis parasangis omni veterum physicorum Scientiæ antecellere, eiqve antefieri debere. Præterea Scientia Naturalis id sibi in sinu gratulatur, qvod hoc ipso seculo viri eruditi, Historiam naturalem amplificare studuerint; hinc peregrinationes varia in loca fuere institutæ, inqve classificationibus naturalium & inventariis naturæ condendis, maximi nominis viri vires & ætatem consumserunt. Hisce inventis omnibus, sua addiderunt, præsentis, cuius dimidium jam præterlapsum est, seculi, Scientiarum Naturalium culto-

res, inqve hac arena magno labore & successu defudarunt. Accedimus itaqve nunc at institutum proprius, visuri, qvid dimidio seculo hocce proferint Scientiæ Naturales. Sed cum hæc omnia potius vastis voluminibus, qvam dissertatione Academica, comprehendendi queant, palmaria tantum brevissimis attingere constituimus.

## §. IV.

**P**RÆCIPUUM eorum, qvæ Physicus considerat, corpus est. Qvodcunqve enim tensibus percipere valemus, cum quo experimenta instituere possumus, cuius phænomenorum caussas reddere valemus, esse corpus cuivis patet. Primum igitur nostrum jam erit officium, corpus ejusqve affectiones generales perlustrare, & tentamina in physica generali instituta leviter attingere. Quantum vero usum præstet rite exculta physica generalis, silere satius est, qvam rem nulli dubiam multis demonstrare. Non mirum ideo, physicos, in corporum naturalium affectionum indagatione occupatos fuisse, inqve materiæ essentia detegenda deludasse. Essentia etenim corporum, qvæ rationem affectionum omnium in se continet, si esset detecta, a priori nobis viam aperiret, ad certitudinem in Scientia Naturali perveniendi; cum vero adhuc lateat, nec nobis aliquam spem facere possimus, illam posteros unqvam asseqvi posse, illorum opera successu caruit, qvi in hac detegenda laborarunt. Peroperam **CARTESIUM** corporum essentiam in nuda poluis-

posuisse extensione, cum jam diu sit evictum, non opus est de re tam clara movere qvæstionem, huncqve ejus errorem retellere. Omnes vero jam Philosophi in eo conveniunt, nullum dari corpus, qvod non sit solidum, hinc soliditatem una cum extensione ejus essentiam absolvere contendebant cum *GASSENDI* ahi haud infimi substellii philosophi atque physici. Hæc vero duo corporis attributa ita esse comparata, ut nullum quidem sit solidum, qvod non extensum simul, qvamvis extensem detur, qvod non sit solidum, adæqvatiorem sibi formantes spatii ideam, dudum evicerunt. Sic igitur demonstrato vacuo, in extensione & impenetrabilitate simul, natura corporum rectissime posita esse videatur. At illi, qui postea cum majori cura ad corporum naturam attenderunt, nec has magis essentiales deprehenderunt, qvam mobilitatem aut vim inertiar, aliamq; aliquam affectionem generalem. Quid? qvod ex hac essentia posita, reliqua corporum attributa neqvaqvam derivare possimus. Idem neqve ex extensione & vi inertiæ, ceu voluere nonnulli hujus seculi iiqve magni nominis philosophi, fieri potest. Cum itaqve hæc via occlusa sit, a priori aliqvod systema physicum condendi, non alia superest, qvam ut per experientiam, & affectionum corporum indagationem, ad certitudinem in rerum naturalium cognitione penetremus. Si autem hac ratione incrementis scientiæ nostræ velificari volunt venturi seculi nepotes, & nostris suisqve

rite uti observatis, plura quam octo, quæ huc usque innatuere corporum attributa, eorum naturam compositura, deprehensuros illos esse, haud trivole auguramus. Vera methodus, hunc scopum obtinendi, consistit in sedula collectione observationum, in excitandis & notandis phænomenis, quæ corpora partim sponte offerunt, partim ex experimentis de industria tactis colligi possunt, quæque omnia unius seculi diligentia proterre non valuit. Hæc rerum omnium magistra experientia, docet, corpus quodcumque gaudere extensione, & quando corporis ideam nobis formamus, nullo modo extensionis notionem ab eo separari posse observamus. Hinc etiam de adæquata extensionis idea sibi comparanda, nostri ævi physici fuere solliciti. Ex principiis mathematicis demonstrarunt, extensionem esse in infinitum divisibilem, physico vero sensu hanc ipsam demonstrationem locum non invenire haud pauci contendunt. Materiam dari afferunt, quæ ipsa quidem pars erit, ex partibus tamen pluribus amplius non constat; adeoque doctrina de atomis, a DEMOCRITO EPICUREISQUE exculta, a recentioribus summisque hujus seculi philosophs, omissis tamen illorum erroribus, approbata est. Ati vero, qui essentiam corporis in compositione partium posuerunt, hypothesin Pythagoreorum de monadibus perpolverunt, omnique corpora ex substantiis simplicibus oriri estimarunt. Hanc tamen Monadologiam Leibnitio-

Woffianam superiori decennio a viris, qui in verba magistrorum jurare noluerunt, esse rejectam, hodie hac de re agitatæ controversiæ satis innotescere faciunt. Quid? quod societas *BEROLINENSIS* ante biennium hanc ipsam ad curatiori examini subjiciendam esse decreverit, præmiumque proposuerit illi, qui usus illius in explicandis naturæ phænomenis enumerare posse. Sed tam *EULERUS*, summus hujus ætatis Mathematicus, quam Dn. *ZUSTI* hanc ipsam non modo in dubium vocarunt, sed utrum quam maxime struxerunt; quæ inventi ille, qui scripta novissimis temporibus de hac re edita, vel tantillum perlegerit. At quicquid sit, nunquam perfectam tamen elementorum cognitionem nobis comparare valemus, ob eorum subtilitatem; corpora tamen ea esse, corporumque attributa habere omnia, demonstrant subtiliores hujus seculi physici. Summæ vero materiæ subtilitatis cognitionem intuitivam præbet nobis admiranda auri ductilis, cuius unum digitum cubicum dividi posse in partes 47612047 nudo oculo visibiles, demonstrarunt viri magni nominis *KELLIUS* & *GRAVESANDIUS*. Imo, Celeberrimus *WOLFILLUS*, unicum auri granum, cuius cubus non est nisi 3 lineæ cub. continere in se binas milliones partium, nudis oculis distinguendas, ostendit. Adhuc vero ampliorem occasionem, subtilitatem materiæ admirandi, suppeditat natura odorum & lucis, cum jam de utriusque materialitate convenient.

at inter Philosophos; licet enim corpora odorifera  
suos odores per ingentia diffundant spatia, vix  
longo tempore diminutio eorum animadvertisit,  
uti ostendunt observationes recentiorum. Idem  
priorius de corpore lucido existimandum. De so-  
liditate corporum ut nihil jam dicam, non pos-  
sum tamen mihi temperare, quo minus de poro-  
sitate eorum verbo differam. Hisce temporibus,  
qvibus natura per Microscopia diligentius conside-  
rata est, pororum magnitudinem, multitudinem &  
figuram esse diversissimam, deprehendunt naturæ  
mystæ, in illius jucundissima varietate sele delectan-  
tes. Per mixtiones qvoque & reactiones chemi-  
cas, varia de porositate corporum inventa sunt:  
Dolendum tamen est, ne unicam qvidem massam  
corpoream omnino solidam & non porosam, inno-  
tuuisse; qvippe quantum solidi, quantum porosi, sub  
qvolibet reliqvorum corporum volumine daretur,  
veraqve magnitudo corporum, detegi tum posset.  
Inter attributa corporum etiam numeratur a re-  
centioribus detecta vis inertiae, per quam corpus  
mutationi status aut motus aut quietis reluctatur.  
Unde etiam hæc ipsa vis, quam qvodvis corpus  
exercet, ad resistendum aliis viribus ad ejus sta-  
tum permutandum tendentibus, a KEPLERO supe-  
rioris seculi Mathematico & physico solidissimo, no-  
minata est vis inertiae. Hanc corporum affectio-  
nem a veteribus esse ignoratam, ostendunt multi  
ab illis commissi errores, in definiendis regulis mo-  
tus

tus. Hinc controversia exorta est, an qvies sit  
positivi vel privativi qvid, eoqve dementiae abre-  
pri sunt Cartesiani, ut statuerint, qvietae positivi  
qvid in se involvere, cum inertiam qvandam cor-  
poribus in qvietae constitutis inesse deprehenderint.  
Nec mirum, cum leges & communicationes mo-  
tuum ex extensione, essentia corporum Cartesia-  
na, demonstrari nequeant. Has vero leges, postea,  
Illustris ISAACUS NEWTONUS, quem nostrum se-  
culum jure sibi etiam vindicat, utope anno de-  
mum hujus seculi vicesimo septimo denatum, in-  
venit. Hic, non modo gentis suæ, sed etiam ge-  
neris humani decus, & supra fortè fere mortali-  
um ad qvævis adyta & abdita naturæ perferutan-  
da natus, ex hoc corporum attributo, leges sic  
dictas motus deduxit, illasqve in *principiis suis physi- sophiae naturalis Mathematicis* ad oculum demonstravæ.  
In illis qvidem tradendis dissentient viri magni no-  
minis, qvorum qvidam tales in earum numerum re-  
ferunt, qvæ nec observationibus nec ratione pos-  
sunt stabiliri. Hæ vero tres leges a *NEWTONO* tra-  
ditæ, cum in experientia & vi inertiae fundamen-  
tum suum agnoscant, totam Scientiam Naturalem  
mirifice illustrant, unde etiam leges naturæ alio  
nomine dicuntur. Harum prima est: *Corpus omne  
perseverare in statu suo qviescendi vel movendi uniformiter  
in directum, nisi quatenus a viribus impressis cogatur  
mutare.* Seqvitur tane hæc lex ex in-  
ertia corporū, vi cujus nullum corpus mutationem  
aut

aut motus aut quietis a se ipso sibi afferre potest, verum semel motum, motum suum continuabit semper, donec accedat vis nova, eum vel impediens vel accelerans; quod etiam in corpore quieto deprehendimus. Hinc etiam, his cognitis viribus impressis, atque dum ex his calculo determinamus, quantos producant effectus, invenimus, hunc calculum experientiae omnino congruere, quod ipsum principium non parum confirmat. Lex altera est: mutationem motus proportionalem esse vi motrici impressae, & fieri secundum plagam, qua vis illa imprimitur. Haec vis impressa, cuius heic sit mentio, consistit in actione sola, illaque cestante, desinit. Nam corpus continuat novum suum statum per solam vim inertiae. Si vero mobili nova vis imprimatur in aliam plagam, compleaturque parallelogrammum, notissimum est, mobile percurrere diagonalem, quod ex lege hac secunda jam memorata non difficulter demonstratur. Tertia lex requirit, ut actioni aequalis & contraria sit reactio; de cuius veritate quotidiana quemlibet convincere potest experientia, adeo ut nulla ulteriori explicatione opus habeat. Quanta vero lux exorta sit harum legum ope in Physica, praecipue in doctrina de corporibus in motu constitutis, satis non praedicabunt fieri ævi nepotes. Observarunt præterea recentiores, hanc vim inertiae esse in corporibus pro quantitate materie, idque tam in corporibus fluidis quam solidis, licet nonnulli eorum omnem resistantiam fluidorum non

a vi solum inertiae, sed etiam a partium tenacitate aestimarint. At *NEWTONUS* & post eum multi alii, factis accurate experimentis cum aqua aere & argento vivo, maximam resistentiae partem ab inertia massæ sola, minimam & fere contemnendam a partium attritu pendere invenerunt & ostenderunt. Videbimus jam physicorum recentiorum industriam, in explananda natura gravitatis corporum, nec fuisse contemnendam. Corpora esse gravia, vel talia, quæ libere sibi commissa superficiem terræ petunt, quotidiana docet experientia. Et quod corpora crassa attinet, de eorum gravitate nulla existere potest controversia; de subtilioribus autem res difficultate non caret, magnoque animalium fervore de eorum gravitate adhuc controvertitur. Scholastici & Peripatetici elementa in loco naturali non gravitare, levitatem positivam dari, & aerem ignemque elementa levia esse contendebant, adeoque natura sua superiora petere. Gravitatem tamen aeris superiori seculo *GALILEUS* a *GALILEIS*, *BOILEUS* & *OTTO GUERICKIUS* extra dubitationem posuerunt. Qvod etiam ignis gravis sit, & gravitatem corporum ipsi expositorum, imprimis vero calcinatorium, augeat, antea nominatus naturæ diligentissimus indagator *ROBERTUS BOILEUS* peculiari tractatu probatum ire conatus est, & hoc ipsum postmodum confirmarunt *DUCLOSIIUS* atque *HOMBERGIUS*. nostris vero temporibus *BOERHAAVIUS* ac *HALESIUS* factis experientis

mentis comprobarunt, ærem actione ignis elasticitatem suam perdere, & in statum fixum abire. Hinc non potuerunt experimenta *BOILEANA* & *HUMBERGLANA* pro decisivis habere. Quid? quod massam ferri octo librarum ignitam per totam substantiam, nihil ponderis acquisivisse contendat *BOERHAAVIUS*. Hæc tamen omnia ejusmodi esse, ut explicacionem patiantur, utque per principia hydrostatica facile contrarium probari possit, alii docuerunt. Præterea illi, qui gravitatem ignis in dubium vocant, ignem esse elementum quoddam corporeum peculiare assumunt. Quæ hypothesis, licet plurimorum naturæ consultorum calculo sit approbata, nondum tamen pro demonstrata haberi potest. Si vero ignis fuerit corpus eousque calefactum, ut copiosius lumen emittat, qualem quæstionem proponit *NEWTONIUS* in fine optices, utique ad ignem producendum non opus esse videtur quadam peculiari materia a corpore calido distincta. Nec igitur mirandum, calorem etiam maximum sive ignitionem pondus corporis non augere, & inde contra universalitatem gravitatis nullum sumi posse argumentum. Ast hæc omnia posteritatis experientia discutienda relinquimus. Sed heic non substitut physicorum diligentia. Materias quantitati proportionalem esse gravitatis actionem, collegerunt ab experimentis tam in vacuo cum pluma & numero aureo institutis, quam etiam a demissione corporum variorum ponderum ex altitudine annis.

272. pedum in templo Paulino Londinensi, incomparabiles Britanniæ philosophi naturales *NEWTONUS*, *DESAGUILIER*, *HAWKSBEE* aliique. Hanc legem in gravitate corporum cœlestium etiam locum invenire ex observationibus Astronomicis concluserunt Vranies cultores. Decrementum hujus affectionis corporum, in diversis distantiis esse inverse proportionale quadratis distantiarum a centro corporum, suo iam tempore demonstravit *KEPPLERUS*, recentiorumqve observationibus idem comprobatum est. In diversis tamen locis aliqua inventa est discrepantia. Nimirum in regionibus sub æqvatore sitis vis gravitatis omnium minima est deprehensa; ad utrumqve vero polum aliquid ponderis corpus ab æqvatore translatum lucrari, tam a priori quam a posteriori demonstratum est. A priori decrementum ponderis corporum sub æqvatore probatur per motum telluris diurnum circa axin, indeqve ortam vim centrifugam, qvæ contraria est gravitati, illamqve diminuere debet. Adeoqve vis tota, qvæ corpus sub æqvatore delcendit, non erit nisi differentia inter gravitatem constantem & vim centrifugam a rotatione terræ oriundam. Si iam corpus ab æqvatore verius alterutrum polorum perferatur, gravitatis diminutio eam ob causam decrescere debet, qvod circuli latitudinis fiant minores, adeoqve & vis centrifuga minor. *NEWTONUS*, calculo subtiliter admodum subducto, probavit, corpus a polo ad æqvatorem perlatum partem du-

centesimam trigesimam sui ponderis amittere. Cum his ita a priori ratiocinio inventis, consentiunt ea, qvæ a posteriori hac in re instituta sunt tentamina; observationes nimirum sub fine præteriti seculi a RICHERIO, VARINO des HATES, & initio nostri a FEUILLO, BOUGUERIO, CONDAMINIO aliisque institutæ. Hi omnes, qvi Astronomiæ & Geographiæ perficiendæ gratia in loca circa æqvatorem missi erant, invenerunt horologia sua pendulis instructa tardius moveri circa æqvatorem, qvam in regionibus polis propioribus, qvare longitudes pendulorum minuere coacti sunt, ut cum sole consentirent horologia. Geometræ ex adverto Parisiensis, qvi problema nobilissimum de figura telluris soluerunt, & qyorum solutioni jure acqviscere possunt eruditi, pendulum in hisce septentrionalibus locis prolongandum esse deprehenderunt. Quantum jam ad incrementum physicæ contulisse contendunt sit hoc inventum, breviter dici non potest. Memorabile tamen est, hoc gravitatis decrementum, tanquam conseqvens naturale revolutionis telluris circa axem, qva corpora vim qvandam centrifugam acqvirunt, occasionem præbuisse NEWTONO a priori determinandi figuram telluris sphæroidalem. Cujus figuræ cognitio, qvantos usus pariat tam Astronomiæ qvam arti navigatoriæ, res ipsa loquitur. De causa gravitatis indaganda hodierni physici non fuere minus solliciti; imperfecta tamen esse & hypothēsis maximam qvoad partem

tem superstructa ea, quæ hucusque causarum nomine fuere adducta, fraudent effectus gravitatis, qui causam externam & mechanicam agnoscere non possunt. Hinc etiam vortices *CARTESIANI* a viris emunctioris naris inter non entia sunt relati, licet a summis hujus seculi philologis, *LEIBNITIO*, *JOHANNE BERNOULLIO*, *CASSINO* fuerint approbati. Nec *WOLFFII* materia gravifica adeo firmo stare tali videtur. Unicum adhuc adducendum est attributum, de cuius inventione nostrum seculum sibi jure meritoqve gratulari potest, utpote a *NEWTONO* toties nominato, tamen non laudato, inventum, qvodqve attractionis nomine venire soler. (\*) Hanc vim, qua omnis materiæ particula trahit ad se omnem aliam materiæ particulam, a gravitate in eo differre observabat, qvod in ipso contactu partium sit stupende magna, & qvod decrescat in multo altiori quam duplicata ratione distantie augescentis. Quid? qvod interdum in repulsionem mutetur, qvod nunquam facit gravitas. Hanc tamen attractionis doctrinam tam *NEWTONI* ætas ingravescens, quam alia negotia, ulterius excolere eum veterunt, sed tanti viri vestigiis insistere, eumqve longo licet intervallo se- qui haud alienum duxerunt eruditæ, imprimis *MUSCHENBROEKIUS*, qui illam ad culmen deducere annilus est. Quanto vero successu hoc ipsum factum sit, ostendunt illius *dissertationes physicae*, in quibus de cohaerentia corporum, de tubis capilla-  
ribus

ribus & magnete experimenta profert elegantissima, ratiocinia ex his deducit solidissima, attractio-  
nis proprietates mirum in modum illustrantia. Cum vero hæc omnia tanta sint, ut breviter dici  
nequeant, & incrementa physices ex his considerationibus orta, separatum volumen exigant, ulte-  
rioris cognitionis cupidos ad hunc cum ipsa at-  
tractione duraturum Celeb. Auctoris librum able-  
gamus. Verbo tamen monendum, quod hæc i-  
pia vis non servet rationem gravitatis specificæ,  
quemadmodum HAMBERGERUS opinatus est. Im-  
mo clarissima experientia hæc sententia refutata  
est a MUSSCHENBROEKIO, quamvis ille alia reges-  
serit, quæ nullius plane sunt momenti.

(\*) Multi dantur eruditi, qui attractionem inter  
ludibria fingentis ingenii numerant. His vero  
cum MUSSCHENBROEKIO hoc modo respondere  
fas est: Libere liceat loqui, ut cordatum decet virum,  
veritatis amantissimum & partium studium summopere  
perosum, dicam igitur me plus quam viginti annorum  
patio, quo non parvam in naturae effectibus colligen-  
dus, observandis, perscrutandis, eorumque causis inve-  
stigandis in omni fere artium & scientiarum genere,  
operam impendi, perpetuo didicisse in omnibus, quae se-  
se mihi obtulerunt corporibus, motus dari aut effectus,  
qui nequaquam per externam pressionem alicuius ambi-  
entis fluidi explicari, aut intelligi possunt: immo ipsam  
naturam ubivis clamitare, dari aliam corporibus infu-  
sam legem, qua ad se absque externo impulsu agantur.

Quoties-

Quotiescumque ideo videmus philosophos, qui attractionis voce offenduntur, illico eos hoc charactere se distinxisse luce meridianâ clarius animadvertisimus, atque probasse, se in museo suo de corporibus cogitasse, forte nonnulla ex antiquis quidem leguisse, intellectisse, compitasse, jucundaque compilata scripsisse, verum nequaquam physicae experimentalis manum admovuisse: fieri enim nequit, etiamque quis vel monoculus fuerit, modo corpora periculis subjecerit, quin visurus sit evidentissime diversissimas corporum attractiones. Verba sunt MUSCHENBROEKII in oratione illius de modo instituendi experimenta physica.

## V.

**H**Æ fuere affectiones corporum generaliores, quæ omnibus corporibus sunt communes, quæ semper adiunt, nec arte nec industria a corporibus separari vel sejungi possunt. Aliæ rāmen adhuc observantur, quæ non in omnibus sed nonnullis corporibus adiunt, quæque non semper in illis inveniuntur. Harum in numerum venit fluiditas, humiditas, opacitas, pelluciditas, colorabilitas, elasticitas, electricitas & quæ sunt reliqua. In his indagandis neque industriam suam defiderari passi sunt hujus seculi eruditii. Mirari in primis convenit, quot quantisque incrementis ELECTRICITAS, mira corporum quorundam proprietas, hoc ipso saeculo fuerit aucta. Antiquitus non nisi in succino sive electro cognita erat, idque valde imperfecte, cum tantum attractionis, quæ minimam

mam phænomenorum electricorum partem abſol-  
vit, nulla vero repulsionis, communicationis & lu-  
minis occurrat apud illos mentio. Nec longius  
progredi potuit longa ſeculorum ſeries, propter  
perverſam philoſophandi methodum, & in obſer-  
vando ſocordiam, uſque ad *GILBERTUM* ſuperioris  
ſeculi philoſophum, qvi dum occupatus erat in  
explicanda natura magnetis, magnum etiam cor-  
porum electricorum numerum detexit. Deinde *OT-  
TO* de *GVERICKE*, *ROBERTUS BOILE* & Academia *FLO-  
RENTINA* non minimam electricitatis negotio affu-  
derunt lucem. Hoc demum ſeculo *HAWKSBEGUS*  
& *GRATUS* Angli, ac *DU FAY*, Academiæ Parisien-  
ſis membrum, mirum hoc phænomenon ſibi aſſum-  
ferunt accuratiuſ examinandum. Hi nova non  
tantum detexerunt phænomena, & vetera novis  
experimentis conſirmarunt, ſed pleraque legibus  
generalibus adſtrīgere tentarunt, conclusionesque  
ex hiſ arduam hanc prem mirum in modum ex-  
planantes, deducere. Eo etiam res hodie deducta  
eſt, ut parum abſit, qvin electricitatem omnibus  
corporibus competere credamus. Præter ea enim  
corpora, qvæ ab antiquioribus exqviſitioni ſubjecta  
fuere examini, alia omnium fere generum, hac vi  
prædicta eſſe obſervarunt *GRAY*, atqve *DU FAY*, un-  
de ex horum phænomenis ad reliqua per induc-  
tionem concludere poſsumus. Cum metallis tan-  
tum inani ſpe periculum institutum eſt, cum mi-  
nima & nulla fere in hiſ percepta ſit electricitas.

Nih-

Nihilominus spem nobis facimus eximiam, ea aliquando, casu forsan, detectum iri, quæ hodie, irrito omni labore, penitus latere videntur. Ad electricitatem igitur fortius excitandam variis modis variaque instrumenta sunt inventa & adhibita. Simplicissimus modus hanc ipsam vim producendi est frictio, praecedentem vero calefactionem electricitatis phænomena valde promovere observarunt recentiores. Tubo vitreo cavo vel solido sua instituerunt experimenta *GRATUS* atque *DU FAT*. Machina tamen recentissime ab *HALSEN* Professore Lipsiensi hujus in locum summo cum successu est surrogata, quæ sphæra vitrea celerrime circumrotata, constat, & manu imposita teritur, qua frictione latens vis electrica excitatur, atque attractionis, repulsionis, & luminis apparentiis sese prodit. Quantum vero hæcce methodus, alteri, quæ per tubum fit, præstet, docent experimenta, hodie commodius quam antea peragenda. Quid? quod *BOSIUS* metalla & alia corpora per tubum non electrica, hujus machinæ ope vim suam exercere contendat. Egregia tamen esse ea, quæ tubi beneficio a *GRATO* ac *DU FAT* sunt detecta, ubi leges generales erimus prolaturi ad quas omnia huc usque nota revocari posse assentient recentiores, ex iam dicendis patebit. Communicationis hæc lex est; quod omnia corpora electrica alia corpora non electrica, vel intra eorum spheras activitatis constituta, vel beneficio funis cum illis cohærentia,

electricitatis communicatæ participes reddant. Omnia corpora, non vel parum electrica, a corporibus electricis fortius attrahuntur, quam reliqua majori vi prædita; at corpora communicative talia ab iis, quæ electricitatem communicarunt, repelluntur. Resinosa corpora electrica ex admotione corporum hac vi parum vel nihil præditorum lumen emitunt. Hæ sunt leges generales, quas DU FAY observationibus stabilivit, & quærum evidenter ac certitudo, postquam tubi loco globus antea descriptus adhiberi cœpit, ad oculum patet. Spiritum vini scintilla a corpore electrico explota accedit, quemadmodum primus observavit WINCKLERUS, factis experimentis cum machina hacce Haußeniana. Aërem ipsum compressum vim propagare hancce, & ab eodem aliis communicari corporibus, deinde compertum est. Quid dicendum de de istu MUSCHENBROEKIANO, aut electricitate aquæ in vitreis vasis diu conservanda, & aliis experimentis singularibus a recentioribus peractis? Hæc omnia ad leges DU FAYANAS revocari posse ostenderunt viri magni nominis. Melius vero est, tales condere leges, quam causam hujus proprietatis naturæ, supra modum mirandæ, ab igne elementari deducere velle, & ex rarefactione aëris intra phæram activitatis constituti derivare, cum hæ solitariæ causæ horum phænomenorum esse nequeant. Elasticitatem inter proprietates corporum etiam enumeravimus. Hanc plurimis corporibus inesse,

inesse, recentiorum patefecit industria, præterim ex experimentis cum duris corporibus in machina *MARIOTTIANA* institutis, varios gradus elasticitatis in diversis corporibus determinarunt. Ex his tentaminibus, leges sic dictæ elasticitatis, qvo ad maximam partem sunt derivatæ. Fluida vero elastica non nisi duo philosophis cognita sunt, aer & vapor, de quorum elasticitate physicæ experimentalis scriptores plurima adducunt; reliqua omnia elateris sunt expertia, quantum hactenus observare licuit. Hanc vim sete ad pristinam figuram restituendi in vacuo Boileano eandem esse ac in aëre aperto ostendunt pericula *HAWKSBEJANA* & ab aliis philosophis facta. Hinc patet, qvid de illorum sententia sit existimandum, qvi aërem elasticum vel aliud quoddam fluidum subtile hujus restitutionis caussam esse supponunt. Hinc etiam alii elasticitatis caussam in mutua particularum attractione posuerunt. Alii vero hujus rationem adhuc latere, &, qvia nondum satis effectus corporum elasticorum examinarunt Philosophi, judicium suspendendum esse existimarunt. In ceterarum proprietatum indagatione non æquali industria incubuerunt nostri teculi corporum scrutatores; adeoque illas missas facimus.

## §. VI.

**E**X hisce, quæ jam breviter exposita sunt de materia ejusq; attributis & proprietatibus, sequitur, omnne corpus, quatenus est extentum, locum aliquem iti-

dem extensum occupare, seu esse in spatio. Et si omnem materiam mundanam a Deo creatam una consideremus, etiam omnis hæc materia erit in spacio. Unde patet, spatium idea corporis ablata esse vacuum. An vero in rerum natura detur spatium ab omni materia vacuum, quæstio est, quæ diu multumque torsit exercuitque philosophorum ingenia. Fuerunt nonnulli non infimi subtili philosophi, qui vacui possibilitatem negarunt, & ob id coacti fuerunt supponere omnia loca crassioribus corporibus destituta a subtili quodam fluido permeari. *CARTESIUS*, vir, si quis alias, ingenio acutissimus, corporum essentiam, ut vidimus, in nuda ponens extensione, facillima inde deduxit consequentia, non dari spatium a corporibus vacuum. Alii tamen, qui corporibus alia præter extensionem inesse, quæque ab ipsa deduci nequeunt, vacuum in rerum natura dari, demonstrarunt. Hi argumentis tam ab impossibilitate motus quam ex diversa fluidorum resistentia, præcipue defunctis, extensionem absque soliditate ostenderunt. Quas vero controversias agitarunt recentiores philosophi de natura spatiis, an sit substantia, positivum quid, reali dimensione præditum, sive an ejus extensio oriatur ex relatione corporum in eo existentium, Metaphysicis dirimendas relinquivimus. Nec heri aut nudius tertius, quæstionem movere cœperunt eruditii de temporis idea adæquata, quam præsens ætas ad liquidum deduxit. Nec ignoro nonnullos antiquiorum physico-

rum motus existentiam in dubium vocasse, sed utram serio an animi causa hoc factum sit, non æque constat. Qvod scientia de motu corporum, qui etiam inter objecta physices numeratur, cūjusque in antecedentibus leges expoluimus, insignia præsenti ævo habuerit incrementa, res est notissima. De hte, vires corporum motorum concerne[n]te, paucissimis tantum monebimus. *MERSENNUIS*, superioris seculi philosophus, erat inter primos, qui vires corporum motorum determinare aggressus est; ex variis vero ætitudinibus grave in brachium libræ dimisit, ex quo experimento concludit, vires corporum motorum esse in ratione composita ex velocitate & pondere. Hanc etiam sententiam Mathematici & Physici tam in Gallia quam Britannia hoc seculo præsenti emicantes, amplexi sunt. Alii vero, uti *LEIBNITIUS*, *BERNOUELLIUS*, *WOLFFIUS*, *MUSSCHENBROEKIUS*, *GRAVESANDIUS*, immo omnes Batavi, Helvetici, Germani, defenderunt, has vires potius in ratione simplici maslæ, duplicata vero velocitatis æstimandas esse. Controversiam tamen hanc, tam magno animorum fervore agitatam, meris logomachiiis esse suffultam, & hos de re litteraria optime meritos viros verbis tantum certasse, pro more suo elegantissime observavit Nobilissimus Dn. Professor *KLINGENSTIERNÄ*. Sed quid dicendum de aliis rebus abstractis, Scientiam Naturalem illustrantibus? Nonne doctrina de oscillatione pendulorum a *GALILÆO*, primo philo-

phan-

phante de motu, inventa, miris hoc seculo aucta est incrementis a KEILLIO aliisque philosophis Londonensibus? Nonne de viribus centralibus indagandis Idem KEILLIUS & JOANNES BERNOULLIUS mirifice tuerunt solliciti? De motu gravium projectorum atque cadentium, de descensu gravium super planum inclinatum, de motu composito atque de legibus percussione &c. multa forent dicenda, si omnia eorum incrementa enumerare vellem. Cum vero potius media sint pervenienti ad cognitionem certam in physicis, quam ipsam absolvant scientiam, hæc etiam aliis recensenda relinqvimus.

## §. VII.

**S**ystemate Copernicano ut vero, & phænomenis maxime consentaneo, approbato, primus, qui verum motum corporum cœlestium invenit, & successoribus suis aperuit aditum ad caussas horum motuum physicas investigandas, erat KEPPLERIUS. Hic ipse docuit, quemlibet planetam primarium circa solem describere orbitam ellipticam, in cuius altero foco sit sol; ea motus lege, ut radiis e sole ad planetam ductis, areæ semper absindantur temporibus proportionales. Hinc plures planetas in eodem systemate habere tempora periodica in sekviplicata ratione distantiarum, vel quadrata temporum periodorum esse ut cubos distantiarum mediarum a sole. In causa vero hujus inventionis indaganda magis lumen ingenii excellens, quam ipsa rei veritate convenientia pro-tulit.

tulit. Nec *CARTESIUS*, qui legibus hinc motuum a *KEPPLERO* inventis egregie ulus est, felicior fuit in caussis motuum corporum cœlestium reddendis. Nostra tandem ætate *NEWTONUS* legem deprehendit, ut cuius corpora omnia per totum universæ naturæ systema diffusa, se mutuo trahunt, in reciproca distantiarum a se invicem ratione duplicata. Ille vir sagacissimus vi attractrice omnes planetarum motus cometarumque phæs pulcherrime explicavit, physicamque cœlestem ab iis, quæ tot retro fluxerunt, seculis vix dum solide inchoatam, felicissime consummavit. Considerata naturæ simplicitate, non plures admittebat rerum naturalium caussas, quam quæ ad earum phænomena explicanda videntur necessaria: unde etiam similibus effectibus similes caussas esse adsignandas judicavit. Cum vero revolutiones non *circumjovialium* tantum & Comitum *Saturni*, sed planetarum etiam priorum circa solem, sint ejusdem generis cum revolutione lunari circa terram, quam per vim gravitatis effici demonstravit, contendit, hanc quodque causam in ceteris esse agnoscendam. Quid est quod deinde observatum sit, *Saturnum* viam mutare, ubi *Jovi* est proximus; ita ut primarios etiam in se mutuo graves esse immediatis observationibus constet. Ut raseam, *Saturnum* etiam in hoc casu turbare motum satellitum *Jovis*, hos paululum ad se trahens, quemadmodum observavit nostro tempore *FLAMSTEDIUS*. Hac vi modo dicta, come-

cometas, circa Iolem in ellipsisibus valde excentricis incidentes, intra limites datos detineri, & iis regi gravitatis legibus, qibus universum planetarium systema, multis evicit argumentis *NEWTONIUS*. Modum autem, quo hic corporum cœlestium motus fiat, ostensurus, demonstrat, corpus quodcumque motum in linea curva, urgeri non a vi solum centrifuga, sed etiam a vi centripeta seu gravitate; hinc corpus viribus his jam conjunctis impulsu diagonalē parallelogrammi eodem tempore describit, quo latera separatiū emetiretur, id que lege nulla alia, quam ut constans & regularis proportio semper observetur inter planetarum periodos atque eorum a sole distantias. Quantis incrementis hæc Theoria motuum cœlestium auxerit Astronomiam, ostendunt inventa alia huic superstructa, tatisque non prædicabit sera posteritas. Præterea hac ipsa Scientiæ Naturalis aurea ætate figura telluris exactissime est determinata, problema e remotissimis temporibus desideratissimum. Non hujus est loci enumerare causas hujus determinationis & quomodo telluris figura inventa sit; neque hoc necessarium judico, aut physicæ cœlestis incrementa prolixius contemplari, cum Ampl. D:rus Regiae Academiae Scientiarum Secretarius, Mag. P. WARGENTIN dissertatione sua Uplaliæ habita, de incrementis Astronomiae ab ineunte hoc seculo, mihi hac in re otium fecerit.

## §. VIII.

**Q**uis abunde satis mirari potest, qvod cognitio Globi nostri Terrauei & generis humani domicilii, post tantum tempus, manca tamen adhuc & inchoata fere maneat? Si quid aliud, certe hoc ipsum, perversam ingenii humani indolem satis superque ostendit, qvæ ad res extra sphæram illius constitutas facilius trahitur, & sciendi ardore in devia sæpius impellitur, qvæ vero ante pedes sunt, negligit. Hinc etiam accedit, qvod nullibi majori opinionum multitudine obruamur, & hypothesis fabularumqve fictionibus plane suffocemur; qvæ omnia inter se collata parum cognitam esse tellurem nostram luculenter docent. Varias sibi formarunt Philosophi telluris primævæ facies, utque ortum montium, vallium, lacuum, insularum, aliarumqve globi nostri terrauei inæqualitatam rationes explicarent, singulares ejus excogitarunt metamorphoses. Inæqualitates enim habitaculi homuncionum, qvæ hodie adiunt, in mundo recens condito, cum sapientia Conditoris non convenire, stolidè opinati sunt. Ut taceamus *CARTESII* Geogniam, cum nec ab illo pro vera venditetur; illorum sententia memoratu digna est, qvi præsentem terræ faciem a facie orbis antediluviani totam mutatam esse variis caussis, gratis assumptis, contendunt. Existimant nimirum, tellurem primævam fuisse planam, montibus destitutam, ubique fertilem & amœnam. Situm ad solem rectum & pla-

cidum ver semper habuisse, adeoque tempestatum  
vicissitudinibus caruisse. Postmodum autem tem-  
pore diluvii, mutato telluris situ ad solem recto  
in obliquum, corticem exteriorem, qui aquas ob-  
texerat, disruptum esse, atque sic, ingruentibus  
aquis, terram habitum irregularem & multorum  
qvalem iam habet, induisse, multis argu-  
mentis explicare student. Hujus opinionis Auctor  
est *IH. BURNETIUS*, praeteriti seculi in Anglia philo-  
sophus, qvam etiam *Mill. WHISTON* ex eadem pa-  
tria natus illiqve coævus, qvo ad magnam partem  
amplexus est, & studio summo excoluit; ut & *DET-  
LEVUS CLUVERUS*. Cum vero hæc omnia pluri-  
mum in se contineant ingenii, veritatis parum; &  
qvamvis Scripturæ Sacrae asserta sua superstruere  
videri velint, ex altera tamen parte eidem mani-  
festo repugnant, merito a summis nostræ ætatis  
philosophis, qui harum inæqualitatem utilitatem  
antediluvianam perspexerunt, ingeniosarum fabula-  
rum nomine venire solent. Præcipue nominandus  
est *SCHEUCHZERUS*, qui in *Herbario suo antediluviano*  
has fictiones ad garamantas proscribere conatur.  
Varie etiam a variis eruditis qvæstio de origine  
fontium & fluviorum est agitata, cum alii per ca-  
nales & vapores subterraneos, qvam conjecturam  
inter alios *BECKERUS* excoluit, alii vero per attra-  
ctionem & destillationem illorum fcaturigines ostendere  
conentur. *PERAULTIUS* atque *MARIOTTIUS* ex  
pluviis & nivibus resolutis fontes & fluvios oriri  
statuunt,

statuunt, qvam sententiam sub initio hujus seculi  
 de la *HIRE* variis argumentis haud contemnendis  
 refutavit; & experimentis, aquas pluviales vix ad  
 sedecim digitos terram percolare, demonstravit.  
*HALLEJUS* ex condensatione vaporum ad radices  
 montium, fontium origines deduxit. Hæc etiam  
*HALLEJI* sententia multum roboris accepit, ex iis,  
 qvæ *VALISNERIUS* in alpibus obseruavit & in Act.  
 Erud. Lips. an. præl. sec. XXVI. recensita leguntur.  
 Tamen non negandum, qvod aliæ causæ concur-  
 rere queant, ita ut adhuc, si dicendum qvod res  
 est, nondum sit ad liquidum deductum præsens ne-  
 gotium. De maris salzedine variæ etiam extant  
 animadversiones physicæ, cum qvidam a corpori-  
 bus salinis in fundo maris delitescentibus illam  
 derivent; qvidam ab actione radiorum solari-  
 rum in particulas terrestres aquæ, qvæ hoc  
 modo ex terra elastica abirent in terram non ela-  
 sticam, & cum acido vitriolico combinatae, pro-  
 ducerent Sal muriaticum. Priorem opinionem ob-  
 servationes Comitis *MARSIGLI* nostro tempore in  
 mari mediterraneo factæ videntur confirmare; po-  
 steriorem analysis chemica talis marini stabilire vi-  
 detur. Alii concretam esse aquis marinis salzedinem  
 contendunt. Ut alias aliorum opinione missas facia-  
 mus. Nec desunt hypotheses, qvibus explicare volue-  
 runt eruditæ, qvare mutentur limites siccii & fluidi  
 in orbe nostro, adeo ut uno in loco aqua augeat  
 superficiem, alibi vero terra conspiciantur ubi mare  
 antea fuit? Notabile etiam phænomenon est flu-

xus & refluxus maris, qvod philosophorum multum & diu vexavit ingenia, nostra tamen ætate inventa est illius ratio, postquam theoria gravitatis ad illud explicandum a *NEWTONO* fuit adhibita. Hunc æstum maris seqvi motum luminarium, præcipue autem lunæ, antiqvis iam dudum temporibus annotatum est. At initio hujus seculi veterum observationes majori cum cura repetere operæ pretium statuerunt eruditæ, qva qvidem in re præcipue Gallorum laudanda est industria. Cum enim Academia Regia Scientiarum animadverteret, quantum utilitatis ex determinata æstus notitia lucraretur res nautica, Professoribus in portibus Galliæ in mandatis dedit, ut, qva fieri posset exactitudine, nova instituerent experimenta. Hisce factis & ad Regiam Academiam transmissis, illas inter se contulit *CASSINI* Fil. & Aëris Academ. inferuit; ex qvibus patet, fluxum & refluxum maris non tantum seqvi varios motus lunæ, sed solem itidem vires tuas in mare exercere pro majori minorive distantia. Vid. *Hist. & Mem. Acad. Roy. des Scien.* 1710, 1712, 1714, 1720.

## §. IX.

**I**Ngentem vaporum & exhalationum quantitatatem continuo ex terra in altum adscendere, quotidiana querilibet convincere potest experientia. Hisce dum atmosphæra impletur & inquinatur, necesse est, ut plurima phænomena suscitentur. Maxima probabilitate asseritur, hos vapores & exhalationes

Iationes ex omnibus corporibus, qvæ in globo nostro terraquo occurrunt, exspirare. Ex variorum corporum commixtione similia his, qvæ in aëre eveniunt, phænomena suscitari, unicuique, in combinationum scientia aliquantum verlato, patet. Sed, qvoniam mortales paucissima corpora huc usqve in partes dissoluerunt, easqve secum permiscuerunt, non mirum est, plurima phænomena in atmosphæra oriri, qvæ nec clare intelligi nec demonstrari possunt. Hinc difficilis Meteorologiæ progressus, ejusqve incrementa labores Herculei. Seqvuntur quoqve meteora natalis sui soli indolem, cum a diversarum regionum exhalationibus admodum discrepantibus pendeant. Ad accuratam igitur meteororum cognitionem desideratur, ut qvilibet in sua regione illa observet & describat, in qvo negotio, hoc nostro seculo, eruditus scđulo desudarunt, in primis, postqvam JACOBI JURIN, societatis Londinensis Secretarii, invitatio ad observationes meteoro logicalias communi consilio instituendas, anno hujus seculi XXIV. in actis eruditorum Lipsiensibus comparuit. Quantitatem vaporum ex qvibuscunqve aquosis vel humidis prodeuntium, qvæqve omnia meteora aqvea producunt, ex experimentis superiori seculo a SEDILAVIO & HALLEJO institutis determinatam habemus; & hoc nostro eadem pluribus in regionibus fuere diligenter instituta. Praetenti quoqve ætate incredibilem Vegetabilium transpirationem

HAL-

*HALLESIUS* ad calculos revocavit, atque sic, variarum memorabilium circumstantiarum observatione, vaporum & exhalationum doctrinam locupletavit. Causas, quibus adscendent vapores, varias sibi fixerunt in diversas sententias abeuntes *Physici*. Antiquiorum alii attractioni solis & stellarum, ut *Peripatetici*, alii subtilissimæ materiæ cœlesti, ut *CARTESIUS*, causam ascensus vaporum tribuunt. Recentioribus vero fere omnibus receptum est, præcipue tamen *DERHAMO* ac *WOLFFIO*, qui multum laboris in hujus indagatione posuerunt, actione solis vel caloris subterranei exiguae ex aqua formari bullulas tenui aura repletas, quæ vaporum nomine veniunt. Hæ bullulae, quoniam leviores sunt aëre proxime ambiente, non possunt non secundum leges hydrostaticas in altum eveni, ceu solent corpora gravia ascendere in fluido specificè graviori. Alii firmissimo argumento evincunt, aërem ad elevationem vaporum non esse absolute necessarium, & in vacuo etiam vapores elevari, animadvertunt ex elegantissimis *DESAVILLERII* periculis atque experimentis. Ad quantam vero altitudinem eleventur vapores, adhuc difficilius est determinatu, variis tamen modis tentatum est, ut nubium altitudinis mensura haberi queat. Notatu dignissima *MAJERI* theoria centetur, quæ auroram borealem altitudinem hancce prodere afferit, quamque *MAUPERTIUS* examinavit & confirmavit. Hanc tamen regulam *MARIANAM*,

*RIANAM*, aliam foventes tententiam, ignorata vera auroræ natura, cum grano salis aslumendam esse duxerunt. Hi ipsi vapores in atmosphera harentes in terram recidunt variis ex caussis, illis, per quas ascenderunt, directe contrariis, unde varia meteora aquaeorum nomine venientia, producuntur. Quando ea sunt copia, vel eo modo constituuntur, ut aerem superiorem imperspicuum reddant, nubes existit; quoties vero in infima aëris regione harent, nebulam adesse dicimus. Cum in guttas coiverint, quod sit frigoris vi, vel pondere eorum accrescente, vel calore, gravitate atmospherae ita imminuta, ut decidant, pluvia formatur. Rorem vocamus vapores & exhalationes mane aut vespere a corporibus sub die existentibus guttatum collectos. Hic juxta observata & experimenta recentissima *GERSTENIANA* tam e terra ascendens quam ex atmosphera delabens observatus, corporibus adhaeret. Si autem accesserit frigus, ut congeletur ros, existit pruina. Hi vapores aquei in hilamenta congelati nivem, in corpora vero globosa concreti, grandinem constituunt. Hæc omnia meteora aquæa cum mensura graduum caloris in diversis regionibus ex variorum observationibus scripto mandata, tabulæ meteorologicæ dicuntur. Hæc magno numero hoc seculo sunt typis evulgatae, & harum usum nimis prolixum eslet recensere. Cum radii solares vel refringuntur vel reflectuntur a vaporibus, alia meteora

teora in atmosphæra oriuntur & tene conspicienda exhibent, qvæ non nisi perspectis affectionibus luminis rite cognoscuntur. *ISAACUS NEWTONIUS*, immortalitati illud consecratum nomen, affectiones lucis primus accuratis experimentis, & ratiocinio Geometrico in iis fundato, egregio cum successu exploravit, editoqve anno 1704. præstansissimo Optics opere, cum eruditis communicavit. Lumen per longissima spatia in instanti propagari crediderunt veteres, immo etiam *KEPPELRUS* atqve *CARTESIUS*. Inventus tamen est *ROEMERUS*, superioris seculi Astronomus insignis, qvi cum in Observatorio Parisiensi degeret, ex observationibus ecclipsium satellitum Jovis evidenter ostendit, lumen non in instanti sed certo temporis intervallo, qvod undecim circiter minutorum spatio definit, distantiam solis a terra emetiri. *BRADLEJUS* vero, solertissimus hoc seculo cœli scrutator, ex observationibus aberrationis qvarundam stellarum fixarum, ad octo minuta prima & tredecim secunda, tempus, qvo spatium inter solem terramque percurrat lumen, reduxit. Rationem mensurandi refractiones & reflexiones luminis veteres etiam aggressi sunt; præcipue *CARTESIUS* veram & genuinam refractionis legem patefecit, verumqve Dioptrices principium invenit; qvamvis ratio ipsius legis conjecturis qvoad maximam partem apud illum innitatur. Hanc refractionum legem ad causas Iridis investigandas adhibuit, etiamq; in caussis colorum.

colorum reddendis identidem cespitaverit. Detexit autem *NEWTONUS* novam colorum theoriā, inventaque veterum circa refractionum leges stabilivit & confirmavit: quod enim illi omnibus luminis radiis competere statuunt, hic de singulis per experimenta demonstravit. Singulos lucis radios pro diversa sua refrangibilitate diversis coloribus præditos esse ostendit, hoc quidem ordine, ut radii omnium minime refrangibiles sint rubri, hos sequantur aurei, flavi, virides, cœrulei, indici, tandemque violacei, qui omnium maximam patiantur retractionem. Dicū non possunt omnia, quæ ope horum principiorum in physicis, & præcipue hac parte illius, inventa sunt. Parhelii & Halones, qui saepe circa solem, rarius circa lunam & stellas, conspicuntur, his ingeniose explicantur. Refractiōnes astrorum in atmosphera nostra ad certas regulas revocatæ, & secundum Mathematicam certitudinem calculatæ, huic eidem fundamento in solidum debentur. Qvarum calculationum usq[ue] ad hæc tempora ignorantia & neglectus quanto Astronomis impedimento fuerit, nemo non videt; quippe sine harum cognitione nullum cœleste corpus quoad situm, motum aut quantitatem potest determinari. Quid referam de lentium tam concavarum quam convexarum & meniscorum variis proprietatibus, & focorum determinationibus? Quid effectus Telecopiorum, Microscopiorum, reliquorumque instrumentorum dioptricorum, qui non a-

liunde qvam ex hisce principiis definiuntur? Ni-  
mis prolixum etiam esset enumerare experimenta  
*NEWTONIANA* de reflexione luminis. Ex his iris  
primaria, in qua radii Solares post duplicem refra-  
& ionem & unam reflexionem ad oculos nostros  
pertingunt, optime explicari potest. Ita etiam bis  
refracti reflexiæ radii iridem secundariam for-  
mant, qvæ omnia jam tanq; corollaria theoriæ  
luminis assumi possunt. Caussam, tam refractionis  
qvam reflexionis luminis, tanq; hypothesis vel  
rem adhuc non tatis expeditam, profert. Hanc  
clarissimi viri tententiam nos brevitati studentes  
paucis exponemus, ulteriore explicationem desi-  
derantes ad citatum locum ablegantes. Conjectu-  
ra nimirum sagaci opinatur, esse inter radiorum  
particulas & omnia corpora mutuam qvandam a-  
ctionem, qva se invicem pro diversis distantias at-  
trahant vel fugiant, qvæque actione fieret, ut radii  
luminis secundum eas leges, a corporibus refle-  
ctantur & refringantur, qvas experientia docet;  
nimirum, ut in reflexione sint anguli incidentiæ  
& reflexionis aq;ales, & ut in refractione sinus  
anguli incidentiæ sit ad sinum anguli refractionis  
in data ratione. Et hæc qvidem in genere de re-  
fractionis & reflexionis caassis vir maximus phi-  
losophatur. Theoria hæc luminis *NEWTONIANA*  
qvantis incrementis Meteorologiam auxerit, osten-  
dunt moderna physicorum scripta, ubi omnia meteo-  
ra sic dicta emphatica, hujus ope fusius explicantur.  
Sunt

Sunt adhuc meteora, qvæ ignita vocari solent, quorum in numerum etiam referuntur fulmen, tonitru & fulgor; hæc elegantissime exposuit Eruditissimus RICHTERUS, in Tractatu haud ita pridem edito de vero fulminum loco natati, ubi etiam plane egregias de hisce observationes in lucem profert, ad quem lectorem ablegamus. Hisce meteoris etiam accensenda est singulare admodum phænomenon, qvod a regione, ex qua plerumque oritur, luminis vel auroræ borealis nomen dudum accepit. Hoc phænomenon non nostro aut superiori seculo, sed antiquissimis jam temporibus observatum est, immo quotiescumque exercitus conflitusque in cœlo viros veteres portentorum scriptores narrant, toties ludibunda hujus luminis natura fabulis illis occasionem suppeditasse videtur. Hoe autem seculo ob frequentiam melius cognosci & observari cœperunt, & Sagitta, Capra saltans, Bothynoë. Pichiz aliaque ejusdem generis luminaria, ad auroras referenda esse collegerunt eruditi. Nostra ætate variæ descriptiones passim extant de his coruscationibus borealibus; prælertim hæc lumina in regionibus nostris septentrionalibus frequentissima esse ostendunt observationes Celeb. BURMANI & CELSII, qui ab anno 1716. ad 1733. ultra 316. in Svecia atque patria nostra conspecta collegerunt. Vir hic solertissimus & Astronomus dum viveret, longe Clarissimus, hæc lumina aliquam in magnete diversitatem declinationis comitem habere animadvertisit, qvod postmodum plurimæ HORTERI

& WARGENINI experientiae confirmarunt; quæque elegantissimæ observationes posteritati spem faciunt hujus mirandi luminis naturam aliquando perspiciendi, cuius varii varias hactenus dederunt causas. Sunt enim, qui a glacieculis per aërem volitantibus & ventorum vi agitatis, sunt & qui a massis glacialibus in mari septentrionali natantibus, indeqve oriundis corruscationibus, hoc phænomenon repetunt. Recentius vero a lumine Zodiacali solis, quod pro ipsa solis atmosphæra habent, atmospharam terræ subingressa, & in aere, prope polos condensationi, magis refracta, idem derivant, omniaque hujus generis phænomena, ex diversa terræ ad solem relatione, explicari posse putant. Hujus tententiaz ingeniosissimæ, Author habetur Dn. de MAIRAN, qui plurima alia, auroram spectantia, in elaboratissimo opere: *Traité physique & historique de l' aurore boreale*, egregie exposuit. Ab exhalationibus sulphureis hoc phænomenon post alios deducit WOLFRUS. Non in atmosphæra tamen nostra proprie exhalationes illas hærere, sed multum ultra aliorum vaporum terminos, ob summam torsam suam subtilitatem, ascendere, ibidemque in motum redigi, probabiliter existimat. Quare vero in boreali regione lumen illud plerumque oriatur, indeqve ad australē pottimum tendat, id ab exhalationum majori sub polis densitate aerisqve ibidem magis compressi ntu vertus austrum, ubi per calorem magis refractus minusqve elasticus est, deducit HOLLMAN-

NUS. Sed, in re tam obscura, nihil certi potest determinari; præstat vero sedulo attendere ad auroras, unde forte aliquando lux materiae huic orietur, vel ars similem præparabit, aut ipse locus natalis in terræ superficie eruetur. Neque quantæ sit altitudinis supra terræ superficiem determinare ullus hue usque potuit, eximii licet Mathematici regulas in hunc finem tradere cœperint, cum ex altitudine nubis corruscantis parallaxis tuto determinari nequeat, & ex hac altitudo hujus luminis, ignorata vera ejus natura, & an in atmosphera nostra habeat. De perandum vero non est, quin plurimæ rerum qualitates, quæ mensurari posse vix licet tusspicari, successu temporis, non minori certitudine quam veritates Mathematicæ determinari & cognosci possint. Qvis enim credidisset, colorum varietatem, quæ universam naturam ornat, eorumque diversam compositionem & mixturam, unde tam nova & improvisa phænomena ori videmus, legibus Matheseos adstringi unquam potuisse? Hoc tamen effecit stupendum *NEWTONI* ingenium in extremo optices opere. Sic, licet solis lunæ stellarumque luceas diverlas esse quivis videat, quæ tamen ratione ad numeros revocari possint, minime proclive fuit dispicere, nisi præclari & ingeniosi conatus *BOLIGUERII*, *SMITHII* & *CELSII* glaciem hoc in negotio fregissent, & ulterioribus inquisitionibus lucem accendissent. Pari ratione velocitatem ventorum ex observationibus determinarunt plurimi, & qualitates sonorum musicorum secundum acumen & gravitatem numeris designare solent musici, rem estimantes, ex longitudinibus chordarum hos tonos edentium, quæ longitudines numeris vibrationum reciproce proportionales esse ostendit *TAYLORI* tentamen circ-

ca intensitatem ioni. Pondera atmosphæræ metuntur barometro, caloris denique frigorisque gradus thermometris mensurare conamur, secundum varias altitudines spiritus, olei & mercurii. Hæc præsens ætas vel proculit vel emendavit; sed multum adhuc restat operis, multumque restabit nec ulli nato post mille secula præcludetur occasio, aliquid adhuc adjiciendi.

## §. X.

**H**Æc, quæ jam levi penicillo sunt exarata, candida censura ut excipiat lector benevolus, enixe rogamus. Agnoscimus quidem, quod nonnulla brevissime sint tacta, veremur etiam plurima penitus esse omnia; multa enim animo pluribus intento sese subduxisse, nulli dubitamus. Sed condonabis hoc ætati tantis ausibus immaturiori, & defectui, quo pressi fuitus, subsidiorum. Peritiorum est, lineam hanc ducere, cuius nos primum punctum qualitercumque signavimus. Noli præterea mirari, B. L. quod de recentissimis pauca scripturi anteriorum temporum historiolam etiam præmiserimus: initia quippe sciat is oportet, qui incrementa quæsiverit. Nec Te offendat, quod passim in ipsa tractatione veterum opinones protrulerimus; haec enim iis, quæ de nostro tempore attulimus, facilius intelligentis inserviunt. Sperabamus & erat quæque animus, hac occasione Historiæ Naturalis incrementa oculis exhibere atque exponere. Dolemus vero & spem & vota nostra eventu nunc destitui, iisque meditationes nostras circumscribendas esse limitibus, quos proposta brevitas & infirmior valetudo nobis imperant. Ne tamen argumenti & jucundi & utilis pertractionem, quando difficilior evasisse videri poterat, subterfugisse plane existimemur, conabimur propediem, si Deus vitam & vires concesserit, experiri, quid in tota ad umbilicum deducenda opella exiguae vires nostræ valeant.

S. D. G.